

高麗王太祖臣平章事趙孟三十代孫恭愍王代興安君李仁復門下登科歷仕中外佩印五州觀風四道雖大無聲跡亦無塵陋年七十三病終廣州古城無後以日月為珠璣以清風明月為奠而葬于古楊州峨嵋山南摩訶耶孔子杏壇上釋迦雙樹下古今聖賢豈有獨存者咄咄人生事畢○癸酉日珥○坤方有赤氣○甲戌張孛羅等至闕辭上使叅議李玄及宦官饋之○司憲府上疏請李居易父子之罪不允疏略曰誅死者以懼生者孔子之春秋也自古亂臣賊子為人臣子者所不共戴天之讎故人得而誅之今李居易父子以定社佐命元勲大臣外飾忠直內懷疑貳罪在不宥功臣百官合辭請罪乃置居易於鎮州而鄉閭族屬舊知者太多置佇咸州而境連異域邊警無時奴隸根隨者不少是豈簣中之屍乎願殿下體春秋之法斷以大義將居易佇下攸司正其罪籍沒家產懲戒後來○乙亥上朝太上殿○司諫院上時務數條一傳曰國圖之咎度日如年又曰一夫在囚舉室廢業是則刑獄不可